

欽定八旗通志卷二百十四

人物志九十四

忠義傳六

滿洲八旗六
康熙十四年共八十一人

馬喇希

馬喇希滿洲鑲黃旗人姓伊爾根覺羅氏世居夾木湖地方康熙十四年以驍騎校從定西大將軍多羅貝勒董額征四川至隴州隨振武將軍佛尼勒等擊敗僞將高鼎等於關山河岸復隨平逆將

軍畢力克圖等擊偽將郝天祥敗之次日賊復合

衆夾攻遂力戰陣亡

恩賜雲騎尉世職

承襲詳見
世職表

僧色禮

僧色禮滿洲鑲黃旗人姓洪鄂氏世居長白山任

三等侍衛康熙十四年從大兵征吳耿二逆藩於

江西有功進征廣東至九窰十八洞地方戰歿于

陣

恩賜雲騎尉世職

承襲詳見
世職表

貴復

貴復滿洲鑲黃旗人姓瓜勒佳氏世居哈達地方
任二等侍衛兼佐領順治十六年從征雲南我兵
圍沅江府有賊千餘出犯我蘆屯汛貴復率本叅
領兵擊却之康熙十四年隨征逆藩耿精忠至江
西敗賊萬餘於符潭浦尋隨定南將軍希爾根擊
僞帥李茂珠李福生於建昌府城南鐘鼓山力戰

被創以創發歿

恩賜雲騎尉世職

承襲詳見世職表

福拉他

福拉他滿洲鑲黃旗人姓兀札喇氏世居瓜勒察
地方襲父東阿騎都尉世職康熙十四年四月從
征逆藩耿精忠至江西隨署護軍統領伯郎素擊
賊於鄱陽湖乘船勦殺中礮陣亡

恩賜騎都尉加一雲騎尉世職

承襲詳見世職表

圖弼赫

圖弼赫滿洲鑲黃旗人姓瓜勒佳氏世居吉林烏喇地方以護軍校駐防涼州康熙十四年從定西大將軍多羅貝勒董額征從逆提督王輔臣于秦州力戰陣亡

恩賜雲騎尉世職

承襲詳見世職表

瑚什塔

瑚什塔滿洲鑲黃旗人姓納喇氏康熙十三年以

護軍叅領銜從征逆藩吳三桂至陝西隨前鋒統領穆占與賊戰于野狐嶺陽平關又擊偽將石存禮于朝天關韓天福于保寧進至蟠龍山小梅嶺龍潭驛西山等處連戰俱有功十四年進攻秦州遇賊力戰歿于陣

恩賜三等輕車都尉世職

承襲詳見世職表

圖弼和

圖弼和滿洲鑲黃旗人姓瓜勒佳氏世居烏喇地

方康熙十三年以護軍校隨定西大將軍多羅貝勒董額征逆藩吳三桂於十四年擊賊秦州力戰歿

賞卹如例

固哈禮

固哈禮滿洲鑲黃旗人姓瓜勒佳氏世居納音委署護軍校康熙十四年隨將軍席卜臣鎮守陝西漢中府擊賊將王屏藩於猴子嶺陣亡

賞卹如例

額勒布

額勒布滿洲正黃旗人姓葉赫氏世居葉赫初以
八品官隨大兵征逆藩吳三桂至湖廣長沙府擊
賊於石匣村有功康熙十四年六月進攻江西抵
新口與賊力戰歿于陣

恩賜雲騎尉世職

承襲詳見
世職表

車圖納

車圖納滿洲正黃旗人姓屠氏世居烏喇地方康熙十三年以護軍校從征逆藩吳三桂由陝西進四川賊設伏于林中以餘衆陣于野狐嶺執紅纛以誘我軍隨前鋒統領穆占追擊之于陽平關時僞將石存禮等據朝天關連營三十里勢張甚復隨穆占及西安將軍瓦爾喀等擊敗之至娘娘廟僞將吳之茂率萬衆阻我軍復隨大兵連敗之于張飛廟又連敗僞將王屏藩等于槐樹驛小梅嶺

龍潭驛等處十四年進攻秦州從逆提督王輔臣遣兵來犯力戰于南山陣亡

恩賜騎都尉又一雲騎尉世職

承襲詳見世職表

費赫齊

費赫齊滿洲正黃旗人姓董鄂氏世居董鄂地方順治十五年以佐領從征雲南擊僞侯李成蛟于凉水井僞晉王李定國於雙河口十七年從征山東土賊敗呂思啓等於鋸齒崖俱有功康熙十三

年復從定西大將軍多羅貝勒董額征逆藩吳三桂
隨前鋒統領穆占連敗賊於野狐嶺陽平關等處
又擊敗僞將石存禮於朝天關王屏藩於蟠龍山
及小梅嶺龍潭驛等處十四年進攻秦州遇賊力
戰陣亡

恩賜雲騎尉世職

承襲詳見
世職表

積善

積善滿洲正黃旗人姓屠佳氏世居烏喇於康熙

金定人加
十三年以護軍校從定西大將軍多羅貝勒董額
征從逆提督王輔臣十四年擊賊於秦州力戰陣
亡

恩賜雲騎尉世職

承襲詳見
世職表

傅達禮

傅達禮滿洲正黃旗人姓舒佳氏世居渾春地方
康熙十三年以驍騎校從征逆藩吳三桂隨前鋒
統領穆占擊偽將石存禮於朝天關敗之十四年

又隨大兵敗賊將吳之茂於蟠龍山及娘娘廟又連敗賊於張飛廟槐樹驛小梅嶺龍潭驛西山下功最著進攻秦州復破賊於北山偽將王屏藩集衆復戰遂力戰陣亡

恩賜騎都尉世職

承襲詳見世職表

塔爾海

塔爾海滿洲正黃旗人任驍騎校康熙十四年隨征逆藩吳三桂至四川奉安西將軍赫業以軍事

差往他所還至娘娘廟遇賊兵力戰陣亡

恩賜雲騎尉世職

承襲詳見世職表

阿喀倪

阿喀倪滿洲正黃旗人姓那穆都魯氏世居瓦爾喀綏分地方父坤巴圖魯官散秩大臣阿喀倪於康熙十四年以一等侍衛從征吳耿二逆藩至江西耿逆僞帥黃豪於鄱陽湖率賊萬餘船七百隻三路來戰阿喀倪率舟師敗之復於康山周湖汊

口界牌舖景德鎮等處屢敗賊衆又敗叛將程鳳
等於沉香山張名揚等於馬鞍山復連破賊兵於
土地堂林田等處地方遷副都統仍在軍前領兵
隨和碩簡親王喇布進至吉安府吳逆僞帥韓大
任陳耀元等復率衆七千拒戰於螺子山我軍失
利阿喀倪力戰陣亡

恩賜騎都尉世職

承襲詳見
世職表

綽思啓

綽思啓滿洲正黃旗人姓威古特氏世居察哈爾
地方康熙十四年以驍騎校隨定西大將軍多羅
貝勒董額征從逆提督王輔臣於秦州力戰陣亡

恩賜雲騎尉世職

承襲詳見
世職表

諾岱

諾岱滿洲正黃旗人姓瓜勒佳氏世居蘇完地方
隨征湖廣有功康熙十四年以八品官復隨揚威
將軍內大臣阿密達征從逆提督王輔臣於平涼

力戰陣亡

恩賜雲騎尉世職

承襲詳見
世職表

阿寧阿

阿寧阿滿洲正白旗人康熙十四年以叅領從定

西大將軍貝勒董額征從逆提督王輔臣擊賊於

秦州戰歿

賞卹如例

俞珥